

UNkulunkulu Usilisa UHezekhiya

Yenza okulandelayo: Bala indaba le usendaweni ethuleyo. Nxa ubala imibhalo elapha kubone ngelihlo lengqondo okwenzakalayo. Zwana abantu bakhona bekhuluma futhi uzame ukuzizwa njengabo.

Abantu okukhulunywa ngabo: UHezekhiya lo-Isaya

Ukufinqwa kwendaba: UHezekhiya ugula kakhulu abesekhuleka kuNkulunkulu njalo asile.

1 CABANGA NGALOKHO OKWENZAKALAYO.

–BALA U-ISAYA 38:1-9.

Ubona angani umthandazo kaHezekhiya wawulohlonzi yini? (*Bala futhi uvesi 3.*)

Ucabanga ukuthi u-Isaya wawakhuluma ngelizwi elinjani amazwi ayevela kuJehova aku-Isaya 38:5-8?

Ubona angani uHezekhiya wezwa njani ngesikhathi u-Isaya emtshela ukuthi uzasila aphile?

2 GEBHA UJULE.

Kuyini okunye okwakungabe kukhathaza uHezekhiya ngaphandle kokugula kwakhe? (Okungakunceda: Bala u-Isaya 36:1; 38:6.)

Kuyini okungabe kwenza uJehova wawulalela umthandazo kaHezekhiya? (Bala u-2 ImiLando 31:20, 21; U-Isaya 38:3.)

Kuyini okungabe kwenza kwaba nzima ukuthi u-Isaya ayetshela uHezekhiya umlayezo otshiyene lalowo ayemtshela wona ekuqaliseni?

Kuyini okwenza ungathandabuzi ukuthi isimangaliso sokubuyela kwesithunzi emuva senzakala sibili? (Bala u-2 ImiLando 32:24, 31.)

3

SEBENZISA OKUFUNDILEYO.

Bhala izifundo ozitholileyo . . .

Ngokuzimisela kukaJehova ukulalela imithandazo yethu.

Ngokuba lobuhlobo obuhle loNkulunkulu.

4

ZIBUZE IMIBUZO LE:

Kunini lapho okumele ngithandaze khona kakhulu kuJehova?

Ngingayithuthukisa njani imithandazo yami ukuze ibe ngesuka enhliziyweni?

Yisiphi isifundo esiqakathekileyo engisithole endabeni le njalo kungani siqakathekile?

Zama lokhu: Landisa indaba le angani ubala izindaba eziphuma kuTV. Zama ukubabona ngenqondo abantu okukhulunywe ngabo lapha labanye ababengabe bekhona ubusuzenza angani ubabuza imibuzo ethile.

